



**BARAZA LA WAWAKILISHI – ZANZIBAR**

**ORODHA YA SHUGHULI ZA LEO**

**BARAZA LA TISA LA WAWAKILISHI**

**MKUTANO WA TISA**

**Kikao cha Tisa – Tarehe 19 Februari, 2018.**

Kikao Kitaanza Saa 3.00 (Tatu) Asubuhi  
na Dua itasomwa.

**I. HATI ZA KUWASILISHA MEZANI:**

**Mwenyekiti wa Kamati ya Maendeleo ya Wanawake, Habari na Utalii:**

Hotuba ya kuwasilisha Ripoti ya Kamati ya Maendeleo ya Wanawake,  
Habari na Utalii ya mwaka 2017/2018.

**II. MASWALI:**

**Ofisi ya Rais, Katiba, Sheria, Utumishi wa Umma na Utawala  
Bora:**

37. MHESHIMIWA OMAR SEIF ABEID (Jimbo la Konde)  
- Atamuuliza Mheshimiwa Waziri wa Nchi, Ofisi ya  
Rais, Katiba, Sheria, Utumishi wa Umma na Utawala  
Bora:

Kwa kuwa Kamisheni ya Wakfu na Mali ya Amana  
moja kati ya majukumu yake makuu ni kusimamia  
Zakka na Sadaka, na kwa sababu zaka ni haki ya  
kisheria kwa kila Muislamu, ambapo enzi za Bwana  
Mtume (S.A.W) ilikuwa ni lazima kutoa Zakka kwani ni  
haki ambayo imeainishwa kutolewa kwa kiwango  
maalum kwa mwaka. Tofauti na inavyotendeka hivi  
sasa mtu kutoa Zakka anavyotaka na kwamba hamna  
mtu au Taasisi ya kusimamia utoaji wa Zakka.

- (a) Je, Kamisheni ya Wakfu na Mali ya Amana ina mpango gani wa kusimamia na kuhakikisha kwamba watu wenye uwezo wanatoa Zakka kama inavyotakikana.
- (b) Je, Kamisheni ya Wakfu na Mali ya Amana ina utaratibu gani wa kukusanya Zakka kwa kila mwaka na kuzigawa kwa masikini na mayatima na wote wenye haki ya kupata zaka hizo kuliko kuwaachia watu kugawa Zakka hizo wao mwenyewe ambapo kwa sasa inaonekana kwamba Zakka na Sadaka nyingi huwa haziwafikii walengwa.

**Wizara ya Kilimo, Maliasili, Mifugo na Uvuvi:**

65. MHESHIMIWA SULEIMAN SARAHANI SAID (Jimbo la Chake Chake) – Atamuuliza Mheshimiwa Waziri wa Kilimo, Maliasili, Mifugo na Uvuvi:

Serikali ya Mapinduzi ya Zanzibar inastahiki pongezi katika jitihada zake za kuwapatia haki za kila kitu kinachoishi kama haki za binadamu na haki za wanyama. Katika jitihada hizo nimeona suala la ng'ombe wanaofanywa madereva wa gari za ng'ombe kushamiri na kuonekana ni usafiri wa mizigo lakini suala hili katika miaka ya nyuma halikuruhusiwa, sijui kisheria au kidini au haki za wanyama lipo vipi kwa watu wanaowatumia ng'ombe hao.

- (a) Je, kumtumia ng'ombe kwenye gari la ng'ombe na kuwabebesha mizigo ni ruhusa.
- (b) Je, ipo haki ya kuwabebesha ng'ombe mizigo kama gari za mizigo.
- (c) Je, ng'ombe kukatazwa asitiwe kwenye gari hapo zamani ni sheria au haki za wanyama au kidini.

**Wizara ya Elimu na Mafunzo ya Amali:**

47. MHESHIMIWA OMAR SEIF ABEID (Jimbo la Konde)  
- Atamuuliza Mheshimiwa Waziri wa Elimu na Mafunzo ya Amali:

Kwa kuwa lengo la Serikali ni kutoa elimu bora ili vijana wetu pamoja na Taifa liweze kusonga mbele na kwa sababu chimbuko la kupata elimu bora ni kuwa na walimu bora waliofaulu vizuri kuanzia ngazi ya O - level.

- (a) Je, ni kiwango gani cha ufaulu kinachohitajika cha O - Level (Form IV) kwa mwanafunzi anaeomba kujiunga na chuo cha ualimu.
- (b) Je, Wizara ina mpango gani wa kupeleka na kukamilisha vifaa vya maabara katika skuli ambazo zina upungufu wa vifaa vya maabara jambo ambalo ni changamoto kubwa ili kuhakikisha kwamba watoto wetu wanafaulu vizuri masomo ya sayansi.

20. MHESHIMIWA SULEIMAN SARAHANI SAID (Jimbo la Chake Chake) - Atamuuliza Mheshimiwa Waziri wa Elimu na Mafunzo ya Amali:

Serikali ya Mapinduzi ya Zanzibar inastahiki pongezi katika kuleta maendeleo ya elimu na ufaulu wa wanafunzi katika masomo yao. Lakini kuna changamoto kwa mfano, katika Skuli ya Madungu Sekondari ambayo inachukua wanafunzi takriban kutoka maeneo mengi ya Pemba, skuli hiyo haina mabweni ya kulala wanafunzi hao. Wanafunzi wa skuli hiyo hukodiwa nyumba za jirani kitu ambacho sio sahihi.

- (a) Je, Serikali haioni umuhimu wa kujenga mabweni katika skuli za sekondari na skuli zote kubwa ambazo hazina mabweni nchini ili wanafunzi wakae pamoja na kuweza kudurusu masomo yao katika kujitayarisha na mitihani.

- (b) Katika skuli ya Madungu Sekondari zipo nyumba karibu na skuli hiyo ambazo wanafunzi huzitumia kama mabweni, Je, nyumba hizo ni za Serikali au ni za watu binafsi.

**Wizara ya Ujenzi, Mawasiliano na Usafirishaji:**

27. MHESHIMIWA MOHAMED MGAZA JECHA (Jimbo la Mtambile) - Atamuuliza Mheshimiwa Waziri wa Ujenzi, Mawasiliano na Usafirishaji:

Njia za Mkoa wa Kusini Pemba zimejengwa ili kuwarahisishia wananchi usafiri na kufanya shughuli za kimaendeleo ili kujikwamua na hali ngumu ya umasikini. Hata hivyo, njia hizi kwa sasa zimeharibika vibaya hususan barabara ya Mtambile – Kangani na Kengeja – Muwambe.

- (a) Je, Mhe. Waziri unalijua hili.
- (b) Ni lini ulifanya ziara katika maeneo haya ili kusikiliza kilio cha wakaazi wa eneo hili.
- (c) Ni lini hasa njia hizi zitafanyiwa matengenezo makubwa ili ziweze kupitika kwa urahisi na kupunguza kilio cha wananchi.

**Wizara ya Habari, Utalii, Utamaduni na Michezo:**

- 29 MHESHIMIWA SIMAI MOH'D SAID (Jimbo la Tunguu) - Atamuuliza Mheshimiwa Waziri wa Habari, Utalii, Utamaduni na Michezo:

Kwa kuwa wananchi wa Mkoa wa Kusini hasa katika vijiji vya Uzi, Uzi Ng'ambwa, Unguja Ukuu Kaebona, Tindini, Kaepwani, Kikungwi pamoja na Bungi wamezungukwa na visiwa vidogo vingi kwa upande wa Magharibi.

- (a) Je, Serikali haioni umuhimu wa kuwashajihisha wananchi katika matumizi ya visiwa hivyo kutoka uvuvi na kuanzisha michezo ya bahari ili kujiongezea kipato.

- (b) Ni kwa nini Serikali haiwatafutii wananchi hao mradi wa hoteli katika visiwa hivyo ambao utawasaidia katika maendeleo ya ajira pamoja na elimu kutokana na mapato hayo.

**III. HOJA ZA KAMATI:**

**Mwenyekiti wa Kamati ya Maendeleo ya Wanawake, Habari na Utalii:**

Ripoti ya Kamati ya Maendeleo ya Wanawake, Habari na Utalii ya mwaka 2017/2018.

Zanzibar,  
19 Februari, 2018.

**(Raya Issa Msellem)**  
**KATIBU WA BARAZA.**